

大清高宗純皇帝實錄

大清高宗法天隆運至誠先覺體元立極敷文

奮武孝慈神聖純皇帝實錄卷之一千

大監修總教官經是講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲駙都尉軍功加七級隨帶加一級尋常加二級軍功紀錄一次 臣慶桂

皇總教官經是講官太子太傅文華殿大學士文淵閣領閣事稽察欽奉 上諭事件處管理刑部已都三庫書

書世襲駙都尉軍功加十九級隨帶加二級又加二級 臣董誥內大臣 都尚書鑲藍旗滿洲都統軍功紀錄五次

尚尋常紀錄十四次 臣德英經是講官太子少保工部尚書紀錄六次 臣曹振鏞尋常

教修 臣 謹勸 攻克思覺博塔等處下至

乾隆四十一年丙申春正月癸酉朔

上詣四十一平丙申春五月癸酉

奉先殿行禮○詣

堂子行禮○率王以下文武大臣詣

壽康宮慶賀

朝帶以二殿入以二殿身重請以入宮之此由官學

皇太后禮成御太和殿受朝作樂宣表如儀○

詣

對燕羽吉壽五安殿高麗城宮身重請以入宮之此由官學

大高殿

朝身重請以入宮之此由官學

壽皇殿行禮○遣官祭實錄卷之一十

太廟後殿○御乾清宮賜皇子皇孫親王等宴○諭

據富德奏。派撥官兵進剿。令舒亮等帶兵千餘。同降番干布拉阿什扎土司阿多部落之兵。分路進攻。並親率總兵斐慎帶兵六百餘名。夾河攻打噶咱普得爾窩。俱於十二月十九日夜間齊到所指之處。賊人鎗石抵拒。我兵奮勇迎擊。賊人不能支禦。盡皆棄碉潰竄。官兵乘勝追殺。直抵馬爾邦。而舒亮等之兵亦直由太約進剿。攻克思覺博堵等處。下至河沿。與馬爾邦一路官兵會合等語。覽奏甚

為欣慰。同日明亮等亦奏。攻得獨松。卡拉爾
等處。并知阿桂已得舍齊刺嘛寺。現在圍剿
噶喇依。計掃穴擒渠。奏捷甚速。阿桂。明亮等
統俟大功告成。茂加渥典。此次富德一路官
兵。奮勇出力。甚屬可嘉。富德及在事之將領
員弁等。均著交部從優議敘。○諭軍機大臣
曰。明亮等奏。攻克獨松。及卡拉爾。舍斯滿。一
帶地方。現擬直搗馬爾邦等語。覽奏欣悅。已
於摺內批示。並據富德奏。已攻得馬爾邦。思

上覺博堵等語。富德自至絨布寨以來。惟此次
最為奮勉。已交部將伊及將領員弁。從優議
敘。明亮等。統俟大功告成。再加渥賞。至富德
奏稱行文李世傑。哈清阿。調兵七百名。分守
後路。李世傑等。即行給發等語。富德調兵應
用。李世傑等。照檄發兵。所辦俱合機宜。已用
清字諭知富德。並將此傳諭李世傑。哈清阿
知之。並據富勒渾奏。據報廿二月十八日。已
將舍齊喇嘛寺攻克。隨於奉旨晚間。發兵圍

攻葛喇依等語。阿桂等既得舍齊喇嘛寺。應
即奏報。現在未據具摺。必因進搆賊巢。為掃
穴擒渠之計。刻不容緩。無暇繕摺。是以富勒
渾奏報在前。今日正值元旦。連得捷音。深為
欣喜。阿桂等已逼賊巢。即可設法擒捕。索諾
木。及逆黨等。全行弋獲。獻俘歲事。佇望紅旗。
指日馳遞。將此由六百里加緊傳諭知之。

甲戌

上奉

上奉 欽此 著 富勒渾 自 至 應 中 寨 以 來 計 劫 必

皇太后幸寧壽宮。侍早膳。重華宮侍晚膳。○諭
前據邁拉遜奏。拾獲匿名揭帖一紙。內有開
寫綿德阿哥。賞給禮部郎中秦雄。秦字畫食
物。並經相見送禮一節。隨密諭福隆安查訪。
今據奏稱。等獲曾在綿德阿哥處雇工之馬
成。蘇二。訊供秦雄。秦曾進見綿德阿哥。致送
畫冊。鐘瓶等物。綿德阿哥亦賞給綢紗字扇
屬實。此事甚有關係。阿哥在內廷讀書。理應
謹慎自持。不當與外人交接。况秦雄。秦不過

一禮部漢司員與阿哥等毫無干涉。非若書
房行走之翰林等可比。秦雄喪何所為而必
欲謁見綿德。綿德亦何所為而必欲認識秦
雄喪乎。秦雄喪係秦道然一家。從前秦道然
在康熙年間。即有交通塞思黑之事。其家風
本不醇謹。今秦雄喪復敢如此。幸而早為發
覺。尚不致久滋事端。此即阿哥等之福。若不
示以懲儆。恐諸皇子皇孫無所畏憚。漸失我
朝家法。綿德著革退王爵。即令綿恩承襲。綿

德之師傅李中簡不能教誡管束咎無可辭
該員本係緣事降調復經賞給編修職銜仍
令在書房行走今復不能盡職即著革職逐
出書房至秦雄喪身為司員敢與綿德餽送
殊屬可惡著革職即日發往伊犁不准贖罪
至此事係朕特交福隆安查辦若復稍存徇
隱不肯據實查出朕必重治其罪福隆安寧
敢瞻顧阿哥等而轉不畏朕乎經此小懲太
誠不特綿德當知感愧即皇子皇孫亦均當

感激自勵。若因福隆安之查奏。輒心懷嫌怨。斷難逃朕洞鑒。必不稍為寬宥也。將此通諭知之。至投遞匿名揭帖之人。仍著軍機大臣查審具奏。○又諭。昨歲安徽。江蘇地方七八月間。偶有雨澤愆期之處。以致上江之廬鳳等屬。下江之句容等屬。高阜田畝。間被偏災。業經該督撫題報。照例分別撫卹。蠲賑兼施。貧民已不致失所。第念新春正賑已畢。麥收尚早。青黃不接之時。口食或恐拮据。且同一

州縣之民。其有收之戶。共樂含哺。而高旱之
處。獨形匱乏。尤堪軫惻。茲當春和布澤之初。
著加恩將安徽被旱成災八九分不等之定
遠泗州盱眙。天長五河。滁州。來安等七州縣。
均係積歉之區。無論極次貧民。各加賑一個
月。其廬州鳳陽長淮。泗州。滁州等五衛。被災
屯戶。各隨坐落之州縣一體賑給。江蘇被旱
較重之句容。江浦六合。宜興。荆溪。丹陽。金壇。
溧陽。甘泉。東臺等十縣。及次重之上元。江寧。

高宗皇帝實錄 卷一百一十一
溧水。高淳。武進。陽湖。無錫。金匱。江陰。丹徒。阜
寧。鹽城。高郵。泰州。江都。儀徵。興化。寶應。十八
州縣并鎮。江揚州二衛。均勘實成災七八分
之極貧戶口。各加賑一個月。以資接濟。其餘
較輕貧戶。有應行酌借籽種口糧之處。並著
各該督撫體察情形。分別妥辦。務俾窮黎普
霑溥澤。該部遵諭速行。○又諭。上年甘肅省
夏秋二禾。統計收成七分有餘。惟臯蘭等三
十一廳州縣。夏禾間有被旱。被雹之處。皆屬

一隅偏災業已蠲賑兼施俾無失所內惟皋
蘭金縣渭源平番中衛靈州肅州七州縣並
皋蘭分駐之紅水縣丞所屬或情形較重或
值積歉之後民食未免拮据著加恩於青黃
不接之時各展賑一個月又續報秋禾偏被
霜雹之隴西等十一州縣亦經照例賑卹內
涇州平涼二處被災稍重並著一體展賑一
個月用數春澤其餘夏秋被災較輕之河州
隴西等處今春如有缺乏籽種口糧之戶並

高宗純皇帝實錄 卷一千
著該督隨時體察酌借。以資接濟。該省係瘠
薄之區。災黎尤堪廕念。勒爾謹。務董率所屬
實心妥為料理。俾得均霑實惠。以副朕軫卹
邊氓之至意。該部遵諭速行。○又諭。昨歲畿
南一帶。因夏秋間雨水稍多。濱臨河淀州縣
之低窪村莊。地畝被潦。均不及一隅。業經該
督勘明保定文安等五十二州縣。屬成災之
處。照例撫卹賑濟。並降旨將較重之霸州等
六州縣。應行摘賑。提前一月。俾與大賑接濟。

無缺。貧民已可不致矣。所第念新春正二月
正賑已畢。距麥收尚遠。茅檐口食。或恐不無
拮据。茲當履端肇始。宜沛恩施。著加恩將被
災較重之霸州。永清。新城。雄縣。安州。新安。六
處。及次重之文安。保定。武清。大城。清苑。天津
靜海。青縣。八處。均各展賑一個月。俾窮黎益
霑愷澤。該督其董率所屬。實心經理。以副朕
加惠畿民至意。該部即遵諭行。○定西將軍
尚書阿桂定邊右副將軍尚書公豐昇額奏

贊大臣都統海蘭察。副都統額森特奏。臣額森特由則朗噶克山口。上搶喇烏喇山梁。於十七日。將各碉卡賊衆殲戮。遂占據瑪爾古當噶碉卡。並克獲山梁迤東一帶寨落。海蘭察由噶古進攻。占得爾隴山坡。至是日夜。我兵齊抵舍齊喇嘛寺。併力勦殺。復攻克雍中喇嘛寺。即於十八日。將格爾巴夾木巴雪寨下。至克角干登。均經搶占。現派兵分路攻噶喇依碉寨。兩三日內。諒可合圍。投出頭人達